


Alkitab Buat Bocah Nampilin

Orang Samaria Nyeng Bae Atinya



Nyeng nulis: Edward Hughes

Nyeng bikin gambar: M. Maillot; Lazarus
Alastair Paterson

Nyeng nyocokin: Ruth Klassen; Sarah S.

Nyeng terjemahin: Matheus Nalih Ungin

Dibikin buat: Bible for Children
www.M1914.org

©2024 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.

1

"Guru! Apa nyeng kudu aku buat biar
dapat idup nyeng kekal?"

Lelaki nyeng nanya itu
seorang hakim, nyoba buat
nguji Yesus. "Pegimana
bunyi hukum Allah?"

jawab Yesus.

"Kesianin
Allah

ama sesamamu," bilang
lelaki itu. "Tapi siapa
sesamaku?" tanyanya.

2

Ngejawab pertanyaan lelaki itu, Yesus nyeritain soal seseorang nyeng lagi bepergian dari Yerusalem ke Yerikho. Orang itu diserang ama beberapa tukang copet.



3

Tukang copet itu nyopet apa aja nyeng bisa ditemuin, sampe-sampe baju nyeng dibawa pengembara malang itu. Mereka juga nyeksa dia sampe parah, bikin dia ampir mampus dan



digeletakin di pinggir jalan.

4

Kebetulan dateng seorang pastur. Udah pasti dia bakal nulungin orang nyeng luka itu. Kaga! Pas dia ngeliat lelaki itu bedarah,



dia lewat aja dan ninggalin dia di pinggir jalan.

5


Dateng lagi orang nyeng jalan kaki laen ngedeketin. Dia itu orang Lewi- nyeng ngebantuin seorang pastur di Bait Allah. Dia cuman ngelongok dan ngelewatin lelaki nyeng kesakitan



itu, lantas pegih begitu aja kaga ngebantuin.

6

Belakangan dateng orang Samaria. Orang Yahudi benci banget orang Samaria. Semua orang nyeng pada ngedengerin cerita Yesus, kaga pengen kalo orang Samaria



itu bakal jadi pahlawan. Tapi kenyataannya begitu. Orang Samaria itu brenti dan nulungin orang nyeng luka itu.


7

Orang Samaria itu sedeku dan ngasih obat ama ngasih perban di luka orang itu. Lantas dia nulungin orang itu naek ke atas keledainya.




8

Di pinginepan pinggir jalan, orang Samaria itu ngerawat orang sakit itu semalaman.




9

Paginya dia bayar penjaga pinginepan supaya ngerawat orang itu sampe waras dan sehat lagi.



10

Akhir cerita, Yesus nanya, "Siapa sih sesama orang nyeng luka itu?"




11



Hakim itu ngejawab, "Sesamanya itu ialah orang Samaria nyeng udah nunjukin keiklasannya."

12

"Pegih, dan kerjain kaya gitu." Yesus bilang. Sesama itu semua orang nyeng ngebutuhin. Kita bisa nunjukin kasih pake cara nulungin orang nyeng lagi butuh. Kaya gitu nyeng Tuhan mao.



13

Orang Samaria Nyeng Bae Atinya
Sebuah cerita dari perkataannya Tuhan, Alkitab

Ditemuin di
Lukas 10

"Palang pintu Firman Engkau ngasih terang."
Mazmur 119:130

14



Tamat

46



60

15

Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berobah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

16